

TATA IBADAH MINGGU SEKSI INANG GKPS & HARI PEREMPUAN INTERNASIONAL

Minggu Okuli, 8 Maret 2026



Tema:

GEREJANA SARI, MARTANGKUPAS, JANA SIBOAN PASU-PASU
(Parambisan 9:10, Psalmen 1:3, Markus 4:26-29)

Sub Tema:

“Gabe Gareja na Matoras Mambobai Kuria Gabe Angkula ni Kristus na Manggoluh” (Hos. 6: 3, Ep. 2: 19-22, Heb. 5: 14)

PARSIAPAN

- Marlajar Doding
- Tonggo i Parhobasan

LIBADAH

PRAELUDIUM (*Jongjong Kuria*)

Singers mandodingkon Haleluya. No. 395:1-2 (Barisan Prosesi)

- 1. Pasangapma Tuhanta marhasoman Arbab pakon doding
Sombahkon ma puji an marhiteinhon inggou maraloling
Dearma riap mandoding haganupan, malas uhur rap mangolopkon
Porini adong pusokni paruhuron, roh do Tuhan lao patorsahon.*
- 2. Dodingkon doding baru, marhasoman sora na malurlur
Pamaling ma soramu, songon parmalingni taur-taur
Dearma riap mandoding haganupan, malas uhur rap mangolopkon.
Porini adong pusok ni paruhuron, roh do Tuhan lao patorsahon*

..----- saat teduh -----

1. VOTUM – INTROITUS – TONGGO

- P. : Ibagas Goranni Naibata Bapa pakon Tuhan Jesus Kristus ampaTonduy
NaPansing, Sitompa langit pakon tanoh on.
- P.+K. : *Amen.*
- P. : Sihol do patimbulonku Ham, ale Naibatanku, Raja in, anjaha sihol
pujionku do goran-Mu lalab ronsi sadokah ni dokahni.
- K. : Ganup ari do pujionku Ham, anjaha pasangaponku do goran-Mu lalab
ronsi sadokah ni dokahni.
- P. : Banggal do Jahowa, anjaha sipujian tongon, seng tardou-dou hatimbulon-
Ni.
- K. : Marsipatugahan do sundut-sundut pasal pambahenan-Mu, anjaha
ipatugah do horja-Mu na banggal in.
- P. : Hinajenges ni hamuliaon-Mu do isahapkon sidea, anjaha halongangan-
Mu do na hupingkir-pingiri.

- K. : Hagogohon ni halongangan-Mu do ihata-hatahon sidea, anjaha habanggalon-Mu do ibaritahon sidea.
- P+K. : *Pardingatan bani buei ni dear layak-Mu do patugah-tugahon ni sidea, anjaha hapintoran-Mu do olobkononni.*
- P. : Paridop ni uhur anjaha parholong atei do Jahowa, nanget manringis anjaha parontou ni uhur banggal.
- K. : Pardear layak do Jahowa bani haganup anjaha holong do atei-Ni bani ganup jadi-jadian-Ni.
- P. : Ham do ipuji sagala jadi-jadian-Mu, ale Jahowa, anjaha hinaholongan-Mu do pasangaphon Ham.
- K. : Hamuliaon ni harajaon-Mu do ibaritahon sidea, anjaha kuasa-Mu do isahapkon,
- P. : Laho pabotohkon bani anak ni jolma hagogohon-Mu, pakon hamuliaon ampa hasangapon-Mu. Halleluya Halleluya Halleluya!
- P+K. : *(mandodingkon) Halleluya. Halleluya. Halleluya.*
- P. : Martonggo ma hita!
Ham ale Tuhan Naibata, parholong ampa paridopni uhur banggal, pujion nami do goran-Mu na pansing in, na tongtong manggomgomi hanami bani ganup panorang. Tumpu do nuan hanami kuria-Mu, mamestahon Minggu seksi Inang sa GKPSna pa 68 taunkon sadari on. Tonduy-Mu ma na manggoki hanami ase pongkut janah saluju uhurnami mandompakhon Ham bani hotak hapansingon-Mu. Patalup Ham ma ganup inang i kuria-Mu on, laho mangidangi Ham ronsi gabe parhiteian Bamu laho pataridahkon hasintongan-Mu i tongah-tongahni kuria sonai age bani keluarga. Ham ale Tuhan, sangap janah lambin marmulia ma Ham ronsi sadokahni-dokahni. Marhitei Jesus Kristus Tuhannami, ipadas hanami tonggo ampa pamujionnami.
- P+K. : *Amen.*

(hundul Kuria)

2. DODING: HALELUYA NO. 305:1-2

1. *Martumpu ganupan manombah Tuhan.
Sai puji ma la parlayak do in.
Maronti ma ganupan paruntolon,
I gantih gabe damei na sonang*
2. *Hormati goran ni janah pingkirhon
Ganup halongangan na binaen-Ni in
Diatei tupa ma hatahononta
Marbuah ma haporsayaonta*

3. GANTIHNI TITAH

- P. Tangar hita ma gantihni Titah na sapuluh in, aima na tarsurat bani 1 Johannes 3:23, *“Anjaha on do Titah-Ni, ase porsaya hita bani Goran ni Anakni Jesus Kristus, anjaha marsihaholongan hita, songon na dob tinonahkonni ai banta.”*
Riap ma hita mangindo:
- P+K. *Ham Tuhan Naibata, pargogohi Ham ma au mangkorjahon Hata-Mu ai. Amen.*

4. DODING:HALELUYA NO.453:1-2

1. *Pitah Ham tuhan, hatundalan na toguh.
Humbai ganup paruntolon na i tanoh on
Bani haganup pardalanan, pitah ham panjaga na gogoh
Ondos ma tuhan, hanai on nuan, se torsa sadokah goluh on*
2. *Tonduy napansing, bere Ham bannami on
Sai useihon Ham bai uhurnami se sintong.
Ase dong pargogoh manlawan, kuasa ni dunia na bajan
Ondos ma tuhan, hanai on nuan, se torsa sadokah goluh on*

5. HASASAPANNI DOUSA (Jongjong Kuria)

- P. Hita ganup kuriani Tuhanta, jongjong do nuan hita mandompakhon Tuhanta, mambobankon hadirionta na so talup i lobei-Ni. Ai lang adong sipujion banta, uhur sonai age panlangkah gok dousa do. Halani ai roh ma hita manopoti ganup dousa in, andohar holong uhurni Tuhan hubanta marsada-sada.

(Singers mandodingkon “Ham Tuhan”)

D = Do 4/4

HAM TUHAN

3	. 5	2	.	1 2	3 1	6 5	5	
Ham	Tu – han			par-ho-long-ni		u – hur		

4 4	2 4	3 2	1	6 . 1	4 3	3 . . 0	
Roh ha-nai	par-dou-sa on,	ta – tap	Ham	ma.			

- P. Ham o Tuhan paridopni uhur na tarsulur, mangaku do hanami bani dousa ampa hahurangannami, hubani hasomannami, tarlobih ma in hu-Bamu. Ai lang talup hanami jongjong i lobeini hapansingon-Mu in.
- K. *Uhur na holongan bani diri sandiri, hotop mambobai hanami gulut bani rosuh-rosuhni dunia on. Ipasintong hanami na so sintong, ipadaoh hanami dirinami humbani dalan-Mu. Lobihan bannami mangayaki hasangapon ampa habayakonni tanoh on marimbang mangihutkon dalan-Mu.*
- P+K. (mandodingkon) “Ham Tuhan”
- P. Hanami do hataridahanni holong ampa idopni uhur-Mu, tapi gati ope na hurang dear tubuh humbagas dirinami. Hanami do na gabe haposan Bamu, tapi lang ope toguh paruhuran nami.
- K. *Talup gabe siusihan do namin hanami, tapi gati **opeluar** hata na boi mambahen borit ni uhur humbani pamangannami. Lang mambahen hasoman ase porsaya, tapi gabe tartolsu do. Ham ale Tuhan ulang ma manringis Ham bannami.*
- P+K. (mandodingkon) “Ham Tuhan”
- P. Huja ma hanami laho anggo lang hu-Bamu, huja ma hanami ase borsih janah susi pargoluhan nami. Pitah Bamu do ale Tuhan, idop ampa holong na humBamu do na boi mambahen putih hanami songon hapas.
- K. *Roh hanami **manrogophu** lobei-lobei-Mu. Togu Ham ma hanami, Ham Naibata paridopni uhur banggal. Ulang ma padaoh Ham bohi-Mu humbannami, tatap Ham ma hanami pardousa on. Bobai Ham ma hanami mardalan bani dalan hapintoran-Mu.*
- P+K. (mandodingkon) “Ham Tuhan”

P. Tangar anjaha haporsayai hita ma hatani Naibata bagah-bagah pasal hasasapanni dousa, “Anjaha mangkompoko haganup do Ia matei, ase ulang manggoluh bani dirini bei na manggoluh in, tapi ase manggoluh sidea bani na dob matei anjaha mulak manggoluh mangkompoko sidea.” (2 Korint 5:15) Ibagas holong ni Naibata, domma isasap haganup dousanta. Halani ai, pataridahkon hita ma tanda-tanda ni pargoluhon na bayu. Hasangapon ma bani Naibata i babou.

P.+K. *Amen.*

(hundul kuria)

6. DODING: HALELUYA NO. 337:1-2

*1. Husombah Ham Tuhan tangihon au!
Sai uhur-Mu Tuhan pasaud Ham.
Sai lambin tambah ma holongku hu Bamu.
Sai tambah ma holong Bamu.*

*2. Sanggah na kahou au, daoh humBamu.
Sai ipindah Ham, jumpah Ham au.
Halani in holong do, uhurhon Bamu.
Sai tambahma holong Bamu.*

7. SIBASAON: Heber 10:19-25 (Responsoria)

P. : Tangar hita ma hatani Naibata na tarsurat baniHeber 10:19-25: Ai pe nasiam sanina, halani domma adong banta hinsah ni uhur laho masuk hubagas ianan na mapansing ai ibagas daroh ni Jesus,
K. : Humbani dalan na baru anjaha na manggoluh ai, na ibuka banta, manlopusi hirei-hirei ai, ai ma dagingni ai,
P. : Anjaha domma adong homa banta malim bolon, na manggomgom rumah ni Naibata,
K. : Halani ai, dohori hita ma Naibata, maruhur na sintong, ibagas haporsayaon na gok, maruhur na dob hona uras humbani panggora ni uhur na sambor ampa ibagas angkula na dob pinapansing marhitei bah na borsih.
P. : Poltik ma jolom hita pangarapan, na dob niakuhonta in, ai hatengeran ni uhur do na marbagahkonsi
K. : Pardiateihon hita ma samah hita, ase marsiojuran hita mandalankon holong ampa horja na madear,
P. : Anjaha ulang ma tadingkon hita partumpuanta, songon na dob somal bani deba halak,

- K. : Tapi lambin marsipagolpaan ma hita, halani na lambin dohor ma ari ai iidah nasiam.
- P. : Martuah ma na manangar hatani Naibata anjaha na marimbagaskonsi.
- P+K. *Amen.*

8. Vokal Grup Inang : Bamu ma Tuhan

9. DODING: HALELUYA NO. 451:1-2

1. *Sihol do uhurhu, patimbulhon Ham Jahowa, napagoluhkon au pardousa Sanggah na hu dilo, goran Mu lao mangurupi, sir sir do Ham roh nmambalosi Itogu Ham do , au humbai lombang bagus, in ma ianan hagolapan Sai boban Ham ma, au hu nagori atas, ase tongtong marhasonangan*
2. *Ganupan munsuhku, seng ilopas Ham marmegah, manangkut au baen jabolonni Ipatudu Ham do, au bai dalan na gok tuah, tongtong do Ham makkasomani Itogu Ham do , au humbai lombang bagus, in ma ianan hagolapan Sai boban Ham ma, au hu nagori atas, ase tongtong marhasonangan*

10. Vokal Grup Pengurus Inang Jemaat : Etah Nasiam

11. MANAKSIHON HAPORSAYAON

- P. : Riap ma hita jongjong!
Saksihon hita ma haporsayaonta in, songonna sinaksihon ni haganup halak na porsaya bani sab tanoh on.
- P+K. : *Ahu porsaya bani Naibata Bapa, Pargogoh na so tarimbang, Sitompa langit pakon tanoh on.....psb. (hundul Kuria)*

12. ACARA KHUSUS

- a. Mambasa/Manaksihon Video Tonah ni Pimpinan Sinode GKPS
- b. Mambasa Puisi: “Hasabaron Marsabing Tonggo”
- c. Duet : Ondos Ganupan
- d. Koor Inang: “HuBamu do au Dilo-dilo”
- d. Tingting Kuria
- e. Tonggo Pangapition

13. DODING: HALELUYA SIKOLAH MINGGU NO. 48:1-2

Reff.
Hutennang, hutennang tennang Hata-Mu,
jimot bai abinganku

*Hutennang, hutennang tennang Hata-Mu,
Jimot bai abinganku
1. Malas do uhurhu anggo hubogei Hata-Mu
Ambilan malasni uhur banggal in
Ijin ma botohon holong-Mu na tarsulur in
Diatei tupa ma Bamu Tuhan
Hutennang, hutennang tennang Hata-Mu
Jimot bai abinganku
Reff.
2. Hatani Tuhanta, in do arta na harga in
Padamei uhurta na sai susah in
Margogoh do hita bai gomgomanni Tuhan in
Sonang do rapkon Tuhan in ale
Hutennang, hutennang Hata-Mu
Jimot bai abinganku*

14. AMBILAN: 1 Kronika 22:14-19

15. GALANGAN

Parambilan : Tuhan Naibata simada pasu-pasu, Ia do na mansarihon hita ampa na pasungkuphon aha na porlu banta. Ai lang tardalani hita goluh on anggo lang marhitei pasu-pasuni Tuhan in. Halani ai talup do hita martarima kasih bani ganup gulmit ni голуhta, mambahen na madear ronsi gabe parhiteianni pasu-pasu in hubani hasomanta. Roh ma hita hubani Tuhan, bere hita ma na patut siondoskononta hubani Tuhanta, marhasoman uhur na borsih.

Roh ma nasiam siparugas, janah patumpu nasiam ma buahni anggur na tang sijengesan in, ondskon hita ma tandani malasni uhurta na gok.
(Roh ma parugas sipatumpu galangan)

Parambilan : Mambahen na madear ampa na marsibere-bere, ulang ma halupahon nasiam ai, ai galangan na sonai do iharosuhkon Naibata (Heber 13:16).
Sonari ondskon hita ma galanganta!

P+K. : *(mandodingkon) "Galangan" (Ijon Huboan Tuhan)*

GALANGAN

3 3 5 | 6 6 6 | 6 . | 6 6 6 5 6 3 | 5 . 5 . | 0
I - jon hu - bo - an Tu - han na ga - be ga - la - ngan - ku

0 3 5 | 6 . 6 6 | 6 5 6 1 | 6 5 . 5 . | 0
Hu - pa - si - si hum - ba - ni na dong bak - ku

3 3 5 | 6 . 6 6 . | 6 6 6 5 6 3 | 5 . 5 5 . | 5 0
Di - ngat do au Ba - mu na ma - na - ron ba - ni si - lang in

3 5 | 6 . 6 6 | 6 5 6 1 | 6 5 . 5 . | 0
Baen ga - la - ngan to - bu - san - ni go - lah - ku

3 5 3 | 2 . 3 | 5 6 1 6 5 | 3 . 3 . | 0
Ha - la - ni ai un - duk do au ma - nur - duk

3 5 3 2 | 2 . 2 2 . 2 | 2 3 5 6 1 | 1 . . . | 0
Ron - si ku - ri - a - Mu bai u - hur na um - buk

5 6 1 | 2 . 2 2 . 2 2 2 1 2 3 | 3 . 3 3 . | 0
5 6 1 6 . 6 6 . 7 7 7 6 7 1 | 1 . 1 1 . | 0
5 6 1 4 . 4 4 . 2 4 4 3 4 5 | 5 . 5 5 . | 0
5 4 3 2 . 2 2 . 5 5 5 5 | 1 . 1 1 . | 0
Ga - lang - an na - mi on, on - dos ma in ba - mu Tu - han

5 6 1 | 2 . 2 2 2 2 2 1 6 5 | 5 . 5 . | 0
5 6 1 6 . 6 6 6 7 7 5 5 4 | 3 . 3 . | 0
5 6 1 4 . 4 4 4 4 4 3 2 2 | 1 . 1 . | 0
5 4 3 2 . 2 2 2 5 5 5 5 5 | 1 . 1 . | 0
Na ga - be hi - tei na - mi tong mar - ta - ri - ma ka - sih

5 6 1 | 2 . 2 2 2 2 2 1 2 3 | 3 . 3 . | 0
5 6 1 6 . 6 6 6 7 7 6 7 1 | 1 . 1 . | 0
5 6 1 4 . 4 4 4 4 4 3 4 5 | 5 . 5 . | 0
5 4 3 2 . 2 2 2 5 5 5 5 5 | 1 . 1 . | 0
To - ngon lang ha - su - hat - an ga - nup pa - su pa - su - Mu

5 6 1 | 2 . 2 2 . 2 2 2 1 2 3 | 1 . 1 . | 0
5 6 1 6 . 6 6 . 7 7 7 5 7 1 | 5 . 5 . | 0
5 6 1 4 . 4 4 . 4 4 4 3 4 5 | 3 . 3 . | 0
5 4 3 2 . 2 2 . 5 5 5 5 5 | 1 . 1 . | 0
U - hur - hu na bor - sih mang - gok - i bi - la - ngan - ni

16. TONGGO PAKON DODING GALANGAN

- P. : Riap ma hita jongjong! Diatei tupa ma Bamu Tuhan bani buei ni pasu-pasu-Mu na ijalo hanami. Pasu-pasu Ham ma galangan na dob ipatumpu hanami gabe galangan na misbou i lobei-Mu. Pasu-pasu Ham ma kuria-Mu na ringgas marsibere-bere, na tongtong marondos janah marpangarapan huBamu. Ibagas Kristus Jesus, na

dob manggalangkon hosah-Ni bahen tobusan bannami, ipadas
hanami tonggo nami hu-Bamu. Amen
P. : *(mandodingkon) "Galangan" Reff.*
Galangan nami on, ondos ma in Bamu Tuhan
Na gabe hitei nami tong martarima kasih
Tongon lang hasuhatan ganup pasu-pasu-Mu
Uhurhu na borsih manggoki bilangan ni.

17. TONGGO HAM BAPANAMI

Parambilan : Ham Bapanami na i nagori atas. Sai na papansing ma Goran-Mu.
Sai roh ma harajaon-Mu. Sai saud ma harosuh ni uhur-Mu i nagori
tongah on songon na i nagori atas. Bere Ham ma bannami sadari
on hagoluhan ari-ari. Sasap Ham ma dousanami songon
panasapnami bani dousa ni hasoman na mardousa dompak hanami.
Ulang hanami bobai Ham hu parlajouan. Paluah Ham ma hanami
humbani pangagou.
Kuria : *(Mandodingkon)*
Ai Ham do simada Harajaon pakon Hagogohon ampa
Hasangapon sadokahni-dokahni. Amen.

18. PAINGKATKON

Parambilan : Misir ma nasiam, baritahon janah saksihon nasiam ma Ambilan Na
Madear inija pe nasiam marianan.

19. PASU-PASU

Parambilan : Jalo ham (hita) ma pasu-pasu humbani Tuhan Naibatanta:
Ipasu-pasu anjaha iparorot Tuhan Naibata ma ham (hita).
Isondangkon Tuhan Naibata ma bohi-Ni hu bamu (hubanta) janah
maidop ma uhur-Ni mangidah ham (hita). Idompakkon Tuhan
Naibata na bohi-Ni hu bamu (banta) janah ipasorap ma damei-Ni
bani tonduymu (tonduyta). Amen.
Kuria : *(Mandodingkon) Amen. Amen. Amen.* *(hundul kuria)*

POSTLUDIUM

Singers : *(mandodingkon) "Hutennang"*

II. Perayaan Ulang Tahun

1. Pemotongan Kue
2. Kata Sambutan
3. Makan Siang Bersama

